

vnd zum andern/so muß oben an gedachtes Instrumentlein/da nemlich die beyde Seitbälcklein zusammen gefüget/ ein Löchlein gestochen/ in das mitler Zwergebälcklein aber ein Kerblein geschnitten werden/ also vnd der gestalt/ daß/ wann in jetztgedachtes Löchlein ein Fädemlein mit einem Bleylein gehencket/ vnd diß Instrumentlein auff einen just Wassergleich ligenden Ort gesetzt würde/ alsdann das Fädemlein ganz just vñ gerade in das mitler Querbälckleins geschnittenes Kerblein zu hangen käme. Jetztgemeltes Löchlein aber vnd Kerblein auff iekterzehlte weise/ der gebühr zu stechen vnd zu schneiden/ thue ihm also: Reiß auff ein Papier/oder sonsten wohin/ zwo sich creuzweis durchschneidende Linien/ die eine A B, die ander C D genannt/ Vnd wiewol in meinem ersten Fundamentbuch im 3. Cap. wie nemlich dieses strack/ vñ ebenweilige Creuz zu machen/ gelehret/ aber daselbsten die zween auff die Lineam A B erwählte Puncten nicht nominirt, darauff manchem anfangenden leichtlich irthumb entstehen könnte/ so verdreust es mich nicht von neuem allhier zu widerholen/thue also: Reiß zu forderst die lineam A B, darauff stich zween Puncten so weit von einander als du wilt/ als 1. 2. setz ein Zirckel in den Punct 1. vnd reiß mit dem ander Fuß eine Zirckelründe durch 2. desgleichen setze noch vnverrückten Zirckel auch in den Puncten 2. vnd reiß durch 1. auch eine Zirckelründe/ vñ vber schneiden sich nun diese beyde vmb 1. vnd 2. gerissene Zirckelriß mit beyden Puncten/ als 3. vnd 4. wann du demnach auch gerade durch die beyde Puncten/ als 3. vnd 4. eine gerade Linie zeuchst/ dieselbige ist C D, vnd mit dero Lini A B gerecht Creuzweis/ vnd ihr durchschnit a, inmassen auß der Figur eigentlichen/ beneben der Wasserswage zu erschen. Lege folgende das Instrumentlein A mit dem euffersten seiner beyden Füßen gerade an die Lini C D, vnd solches der gestalt/ daß auch die spiz des Winckelhäckels/ gemelts Instrumentleins fein gleich vnd gerade auff oder neben die Linien A B auffzuliegen komme. Wo nun jetztgemelte Linien A B so wol gemelte Winckels

ckels